

Stáhtaráđi ášahus

ealliguovdasaš doarjagis, mii máksojuvvo boazodoallojagis 2016/2017

Stáhtaráđi mearrádusa mielde mearriduvvo eana- ja šaddogárdedoalu riikkadási doarjagiid birra addojuvvon lága (1559/2001) 4 §:a 2 momeantta ja 14 §:a 3 momeantta vuodul:

1 §

Heivehansuorgi

Dán ášahusas mearriduvvo dan ealliguovdasaš doarjagis, mii máksojuvvo boazoeaiggádiid-da stáhta bušeahtas jahkái 2016 eana- ja šaddogárdedoalu riikkadási doarjagii čujuhuvvon ruđain boazodoallolágas (848/1990) oaivvilduvvon boazodoallojagis 2016/2017.

2 §

Doarjaga ohcan

Doarjja máksojuvvo eanadoalu doarjagiid doarjjaguovlluid ja daid suologuovllun lohkkajuvvon oasseguovlluid birra addojuvvon stáhtaráđi ášahusa (5/2015) čuvvosis 1 oaivvilduvvon guovlluin C3 dahje C4 bohccuiguin bargi, eana- ja šaddogárdedoalu riikkadási doarjagiid birra addojuvvon lága (1559/2001) 14 §:a 1 momeanttasoaivvilduvvon ohcciide. Dállodoallun gehččojuvvo maiddá juogekeahtes jápminbeassi.

Doarjaga oazžuma eaktun lea dat, ahte doarjjaoazžu merke bajás iežas jođihan boazodoalu bođuid ja goluid.

3 §

Doarjjadohkálaš ealihanbohccot

Doarjaga sáhtta oazžut, jos dállodollui gullevaš olbmot oamastit boazologahallamiid mieldeboazodoallojagi loahpas uhcimustá 80 ealihanbohcco, nugo boazodoallolága 5 §:a 2 čuoggásoaivvilduvvo.

Doarjagii vuoigadahtti bohccuid oamastanvuoigatvuohta ja lohku vuodđuduvvet boazodoallojagis 2015/2016 dahkkajuvvon boazologahallamii. Boazodoallojagi 2015/2016 áigge dahkkajuvvon boazogávppit sáhttet váldojuvvot vuhtii doarjaga miedihettiin.

Doarjja ii máksojuvvo dakko bokte go ealihanbohccuid mearri manná badjel bálgosiidda dahje daid osolaččaide mearriduvvon alimus lobálaš ealihanboazologuid. Jos bálgosa ealihanboazolohku manná badjel bálgosiidda mearriduvvon alimus lobálaš ealihanboazologu, de dállodoaluid doarjjadohkálaš ealihanbohccuid lohku geahpeduvvo liigebohccuid hárrái seamma gori mielde go dállodoalut oamastit ealihanbohccuid bálgosis. Jos ealihanboazolohku báhcá uhcibun go 1 momeanttas mearriduvvo, de dállodollui sáhtta liikká miedihuvvot doarjja daid loahppaealihanbohccuid logu vuodul, jos dállodoalus leat leamaš ovdal geahpedeami ealihanbohccot uhcimustá 1 momeanttas mearriduvvon mearri.

Doarjja ii máksojuvvo dain ealihanbohccuin, maid osolaš livččii galgan bálgosa dohkkehan jahkásaš njuovvanplánaid mielde njuovvat. Jos dállođoalu ovdalis oaivvilduvvon njuovakeah-tes bohccuid lohku lea badjel golbma proseantta ealihanboazologus, de doarjja ii máksojuvvo dállođollui ollege.

4 §

Doarjaga mearri

Doarjaga mearri lea eanemustá 28,50 euro ealihanbohccos.

5 §

Fápmuiboahhtin

Dát ásahus boahhtá fápmui geassemánu 29 beaivve 2016.

Helssegis geassemánu 22 beaivve 2016

Eanadoallo- ja birasministtar Kimmo Tiilikainen

Boarráset hálldahuscálli Juha Vanhatalo